

堅

瓠

集

堅瓠三集卷之四目錄

茶瓶湯候

戲嘲茶馬

飛吟亭詩

牛詩

美人指甲

紫姑咏手

蘇繡鞋

老態詩

衡山圖記

惠利夫人

東坡巾

集唐嘲續娶

天竺觀音

左國璣

虞伯生詞

妓出家

詞刺伯顏

咏瞽者

帥才相量

詩疑呂仙

淨浴詞

弔伯顏詩

王昭儀

徐君寶妻

尼覺清詩

胡御史張少傅

楮衾

食蕈

邵氏詩

玄兔

海外全書

弔四狀元詩

胡王咏女史

史公謹

品梅

佛龕弊紙詩

儲靜夫對

朝雲

題卧雪圖

張仙

趙墓嚴臺

弔唐荆川

神仙粥

霍洞

和尙對

張三影

吳伯通

馬湘蘭

密翁翁

老儒被辱

孫鳳洲詩

打夾帳

楊清劉濁

乩咏蠶蘭

邵金堂四箴

胡澹庵

尹鑾頭

蝦助

河滿子

龜鱉

匍匐圖

堅瓠三集卷之四

重刻褚石農堅瓠集卷之四

茶甌湯候

鶴林玉露載李南金煮茶詩云砌蟲唧唧
萬蟬催忽有千車捆載來聽得松風并澗
水急呼縹色綠瓷杯其論固已精矣然瀹
茶之法湯欲嫩而不欲老蓋湯嫩則茶味
甘老則過苦矣若聲如松風澗水而遽瀹

之豈不過於老而苦哉惟移瓶去火少待
其沸止而瀹之然後湯適中而茶味甘此
南金之所未講者也因補以詩云松風檜
雨到來初急引銅瓶離竹鑪待得聲聞俱
寂後一甌春雪勝醍醐。煎茶初滾曰蟹
眼漸大曰魚眼故俗以未滾者爲盲湯

戲嘲茶馬

龍圖劉燾嘗與劉筠裴會飲茗問左右湯

滾未皆言已滾筠曰僉曰鯨哉書經燬曰

吾與點也語書一日連騎趨朝筠馬病足

行遲燬問馬何遲筠曰只爲五更三燬曰

何不七上八言馬蹄卽玷該落步行

飛吟亭詩

世傳呂洞賓唐進士也詣京師應舉遇鍾離翁于岳陽授以仙訣遂不復之京師今岳陽飛吟亭是其處也後有人題詩於亭

上云覓官千里赴神京鍾老相傳蓋便傾
未必無心唐事業金丹一粒誤先生盧景
綸酷愛其旨趣蓋夫子告沮溺之意也

牛詩

李家明滑稽善諷從後主登臺望牛山見
牛卧樹陰下後主曰牛苦熱矣家明上絕
句云曾遭密威鞭敲角又被田單火燎身
閒背斜陽嚼枯草向來問啼更無人

咏美人指甲

宋劉攽之造詞瞻逸賦沁園春以咏美人
指甲與足曰銷薄春冰碾輕寒玉漸長漸
彎見鳳鞋泥污偎人強剔龍涎香斷撥火
輕翻學撫瑤琴時時欲剪更掬水魚鱗波
底寒纖柔處試摘花香滿鏤棗成斑時將
粉淚偷彈記綰玉曾教柳傳看算恩情想
着瑤便玉體歸期暗數晝徧闌干每到相

思沉吟靜處斜倚朱唇皓齒間風流甚把
仙郎暗指莫放春閒洛浦浚波爲誰微
步輕塵暗生記踏花芳徑亂紅不損步苔
幽砌嫩綠無痕襯玉羅慳銷金樣窄裁不
起盈盈一段春嬉游倦笑教人歎拾微裊
些根有時自度歌聲悄不覺微尖點拍頻
憶金蓮移換文鴛得侶繡茵催袞舞鳳輕
分懊恨深遮牽情半露出沒風前烟縷裙

知何似似一鉤新月淺碧籠雲邵清溪

真

嗣其體調以咏眉目曰巧鬪彎環纖凝

嫵媚明裝未收似江亭曉玩遙山拂翠官
簾暮捲新月橫鈎掃黛嫌濃塗鉛訝淺能
畫張郎不自由傷春倦爲皺多無力翻做
嬌羞填來不滿橫秋料着得人間多少愁
記魚笺紙啓背人偷歛雁鈿膠併運指輕
揀有喜先占長顰難效柳葉輕黃金在否

雙尖鎖試臨鸞一展依舊風流添點填
暍風稍侵髮天然役生記隔花瞥見疎星
炯炯倚闌凝注止水盈盈端正窺簾夢騰
並枕睥睨檀郎長是青端相久待嫣然一
笑密意將成困酣曾被鶯鶯強臨鏡授抄
猶未醒憶帳中親見似嫌羅密尊前相顧
翻怕燈明醉後看承歌闌闌美幾度孜孜
頻送情難忘處是鮫鮪搵透別淚雙零

紫姑詠手

夸堅志吉州一士邀紫姑神作詩適姜某
女在側因請詠手即書曰笑折櫻挑力不
禁時攀楊柳弄春陰管絃曲裏傳聲慢星
月樓前歛拜深繡幕偷回雙舞袖綠窓閒
整小眉心秋來幾度桃花褥一作羅襪爲憶相
思放却針信筆而成頗有雅致

蘇繡鞋

蘇平字秉衡號雪溪道人浙之海昌人景
泰天順中以詩文遊江湖詠繡鞋詩得名
人目爲蘇繡鞋詩云幾日深閨繡得成
着來便却可人情半灣羅襪淩波小兩
瓣金蓮落地輕南陌踏青春有跡西廂
立月夜無聲掃花偶濕蒼苔露晒向窓
前起晚晴
蘇正字秉楨號雲壑其同胞昆仲也○
蘇頌探云鄒御史亮作三考詩謂蘇平
湯

允績劉溥

老態詩

蕭山魏文靖驥正統初爲司訓臞然若不
勝衣一日庸簡袁柳庄相之曰公異日必
至極品衆皆掩口自亦以袁爲謂已後以
教導有功陞少卿至吏部尙書性好吟咏
不以工拙爲計有老態詩漸覺年來老病
磨兩肩酸痛脊梁跂耳聾眼暗牙根蛀

腿軟腰疼鼻淚多
臙毒頭風時又舉
痔瘡疝氣不能和
更兼酒積微微發
三歲孩童長若何
詩雖俚鄙曲盡老
態至九十有八而
卒後見雜錄載趙
松雪老態一詩甚
佳老態年來日日
添黑花飛眼雪生
髯扶衰每藉過眉
杖食肉先尋剔齒
籤右臂拘攣巾不
裹中腸慄慄淚常
淹移床獨坐南牕
下畏冷思親愛日
簷

衡山圖記

文衡山生年與靈均同因取唯唐寅吾以
除句爲圖書有一守自北方來聞知衡山
善畫因問人曰文先生前更有善畫過之
者乎或以唐伯虎對又問伯虎何名曰唐
寅守卽躍起曰文先生屈已尊人如此人
問何故曰吾見文先生圖書曰唯唐寅吾
以降聞者噴飯

惠利夫人

八閩志華七娘五代人從夫征討夫沒于
明溪鄉七娘卽居明溪死後合葬于驛左
一夕客假館驛中夜聞吟詩甚悲達旦客
語隣并書其詞壁間鄉人構室墓前祀之
禱祀響應冠至鄉人懇禱卽殄渠魁端平
間調寨兵戍建康告行時聞廟中鉦鼓喧
騰追兵迴言是日與敵會戰有神兵陰助

克之於是上聞賜廟額顯應封惠利夫人
文文山題詩曰百萬貔貅掃犬羊家山萬
里受封疆男兒若不平強寇死媿明溪聖
七娘

東坡巾

明蘇郡守胡可泉續宗與客登虎丘見載
角巾者三人往來自如可泉召而問之荅
曰生員以奚冠命題各試一破皆塞責應

命因問其所冠者何冠荅曰東坡巾可泉
曰若等旣知爲東坡巾然東坡何爲用此
巾三人相顧無以對客從旁解釋遣之客
亦不解請其故可泉曰昔東坡被論坐囚
園中所戴首服時常服不可也公服不可
也乃製此巾以自別後人遂名曰東坡巾
是乃東坡之囚巾耳今但慕其名而不究
其義適爲可笑

集唐嘲續娶

有老夫妻少婦著年而殞管子寧先生庶
集句嘲之一朵梨花歷海棠有膝顛倒着
衣裳風塵荏苒音書絕天上人問兩渺茫
一朵梨花歷海棠羅裙宜著繡鴛鴦人
生富貴須回首魏國山河半夕陽 纖纖
初月上鴉黃一朵梨花歷海棠舊枕未容
春夢斷爲郎憔悴却羞郎 潘安惆悵滿

頭霜一朶梨花歷海棠去日漸多來日少
離人到此倍堪傷似說春風夢一場江
流曲似九迴腸却將此日思前日一朶梨
花歷海棠萬轉千迴嬾下床丁丁漏永
夜何長驚回一枕遊仙夢一朶梨花歷海
棠一朶亦效顰戲代少婦追思云一朶梨
花歷海棠白頭翁入少年場主人非病常
高卧醉倒簷前白玉床一朶梨花歷海

棠芸窓思貼弱肌香誰知白髮龍鍾者雲
雨巫山枉斷腸數年塵面再新妝一朶
梨花歷海棠半夜燈前思舊事滿牕明月
滿簾霜此日思君恨更長空餘涕淚兩
三行夜深忽夢少年事一朶梨花歷海棠
天竺觀音

宋孝宗時大旱有詔迎天竺觀音就明慶
寺請禱或作詩云走殺東頭供奉班傳宣

聖旨到人間太平宰相堂中坐天竺觀音
却下山趙溫叔旌由是免相

左國璣

開封舉人左國璣李空同之舅左有一妹
嫁某某不憐其妹取妓以充後房一日妓
逃左作詩嘲之云桃葉歌殘事可傷家池
莫養野鴛鴦閉門運日春容減仍對無鹽
老孟光

虞伯生詞

元柯敬仲九思際遇文宗起家爲奎章閣
監書博士以避言路居吳下虞邵庵集賦
風入松長短句寄之云書堂紅袖倚清酣
華髮不勝簪幾回晚直金鑾殿東風軟花
裏停驂書詔許傳官燭香羅初剪一作試朝
衫御溝冰泮水投藍飛燕又呢喃重重簾
幙寒猶在憑誰寄錦字泥緘報道先生歸

也杏花春雨江南詞翰兼美膾炙一時

妓出家

能改齋漫錄唐陽郇伯作妓人出家詩曰
盡出花鈿與四隣雲鬟剪落向殘春暫驚
風燭難留世便是池蓮不染身貝葉欲翻
迷錦字梵聲初落誤梁塵從今艷色歸空
後湘浦應無解佩人湘山野錄作陳彭年
詩誤又輟耕錄李當當元教坊名妓姿藝

超出流輩忽翻然有悟遂著道士服段吉
甫天祐贈之以詩曰歌舞當今第一流洗
妝拭面一作今日別青樓便隨南岳夫人去不
爲蘓州刺史留瑤館月明簫鳳下綺窓雲
散鏡鸞收却嫌痴絕潯陽婦嫁得商人已
白頭

刺伯顏詞

太師伯顏檀權戕殺士類山東憲吏曹明

善時在都下作岷江綠二曲以風之大書
揭千午門之上伯顏怒令左右暗察得實
肖形捕之明善出避吳中僧舍居數年伯
顏敗方入京其曲曰長門柳絲千萬縷總
是傷心處行人折柔條燕子銜芳絮都不
由鳳城春做主又長門柳絲千萬結風起
花如雪離別重離別攀折復攀折苦無多
舊時枝葉又名清江引

咏瞽者

草木子元啞御史春日與瞽者並馬出遊
晉陽因贈以詩云就鞍和袖縮絲韁也逐
王孫出晉陽人笑但聞誇景物風來應解
識笙簧馬蹄響處無芳草鶯舌調時有綠
楊休道不知春色好東風桃李一般香

帥才相量

元伯顏丞相與張九元帥席上各作喜春

來詞伯顏云金魚玉帶羅襪扣皂蓋朱幡
列五侯山河判斷在俺筆尖頭得意秋分
破帝王夢張九云金裝寶劍藏龍口玉帶
紅絨挂虎頭綠楊影裡繫驂騑得志秋名
滿鳳凰樓帥才相量各言其志

詩疑呂仙

虞伯生集幼年過蘓門酒樓題詩于壁書
連十八書其詩曰耳目聰明一丈夫飛行

人極隘寰區。劍吹白雪妖邪滅。袖拂春風
枯槁蘄氣集。酒酣雙國士。情如花擁萬天
姝。如今一去無消息。只有中天月影孤。時
疑爲呂洞賓所作。爭傳誦之。又元白雲
平章求仙于燕京西山頂。一日偶出。騰玉
霄訪之。不值。因題詩于壁曰。西風短褐吹
黃埃。何不從我遊蓬萊。振衣長嘯下山去。
後夜月明騎鶴來。竟不留名白雲見之疑

呂仙所題朝野輻湊寵賚山積後知玉霄
所題白雲厚賂之戒以勿泄

淨浴

蘇東坡石淨浴如夢令詞云水垢何曾相
受細看兩俱無有寄語揩背人盡日勞君
揮別輕手輕手居士本來無垢又云自淨
方能洗彼我自汗流吁氣寄語澡浴人且
共肉身遊戲但洗但洗本爲人間一切

弔伯顏詩

輟耕錄後至元間太師秦王伯顏專權霧
政貧惡無比貶嶺南道江西至隆興卒作
薦福寺寄棺驛舍有人題于壁曰百千萬定
猶嫌少埽積金銀北斗邊可惜太師無運
智不將些子到黃泉又草木子亦載弔伯
顏一詩云人臣位極更封王欲逞聰明亂
舊章一死有誰爲孝子九泉無面見先皇

輔秦應已如商鞅辭漢終難反子房虎視
南人同草芥天教遺臭在南荒蓋嘗出令
毆人歐打南人不許還報

王昭儀

求宮人王昭儀名惠清字冲華丙子北行
題滿江紅詞于驛云太液芙蓉渾不似舊
時顏色曾記春風雨露玉樓一作金闕名
播椒蘭一作蘭蘭一作妃后裏歡承笑語一作暈胡一作暈強君

王側忽一朝一作聽聲作聽鼙鼓揭天來繁華歇

龍虎散風雲滅千古恨憑誰說恨一作銅駝

對河山百二淚沾襟血驛館夜驚塵土夢

宮車曉碾關山月願嫦娥相顧肯從容隨

圓缺中原土人多誦之昭儀後爲女道士

徐君寶妻

岳州徐君寶妻某氏被擄至杭主者數欲
犯之終以巧計脫蓋某有令姿主者不欲

遽逼之也一旦得聞焚香再拜題滿庭芳
詞一闕于壁投池中以死詞曰漢上繁華
江南人物尚遺宣政風流綠窓朱戶十里
爛銀鈎一旦刀兵齊舉旌旗擁百萬貔貅
長驅入歌樓舞榭風捲落花愁清平三百
載典章文物掃地俱休幸此身未北猶客
南州破鑑徐郎何在空惆悵相見無由從
今後斷魂千里夜夜岳陽樓

尼覺清詩

湛甘泉與霍渭厓拆毀庵觀遙祠豹韜衛
營中一庵亦在毀中有尼覺清題詩於壁
云慌忙收拾舊袈裟檢點行囊沒一些袖
拂白雲歸洞口肩挑明月繞天涯可憐不
頂新巢雀却負離邊舊種花分付犬猶隨
我去休教流落俗人家堯山堂作方獻夫
賜告里居規僧房以益宅僧作是詩

胡御史張少傅

嘉靖壬辰北直學院胡明善待士慘刻庠序甚恣以私取房山所築石爲碑事發擬侵盜園林樹木以石窠近皇陵故也是年七月間慧星見東井自辛卯至是已三見有旨令大臣自陳張少傅孚敬遂致仕或爲句以紀其事云石取西山胡明善決從地起星行東井張孚敬禍自天來又曰慧

亭掃除無駐足石碑壓倒不翻身

褚衾

江西徐大山尹處州龍泉縣有一僧獻一
褚衾并上以詩曰寒泉湧出剡溪藤白勝
秋霜冷若水願此一輩清似水梅花紙帳
伴孤燈大山見之起喜因與之宴令一婢
隔壁而歌僧聞其曲韻悠揚因窺之乃一
老婢天顰滿面醜不可狀因復作一詩云

隔壁時聞一曲歌
渾疑七寶帳中花
瞥然一見翻成恨
元出盧仝處士家

食葷

松陽詩人程渠南滑稽士也與僧覺隱樸
子作信道元同齋食葷覺隱請渠南賦葷詩應
聲作一絕句云頭子光光那似丁祇宜豆
腐與菠薐釋迦見了呵呵笑煮殺許多行
脚僧覺隱聞之亦噴飯

鄧氏詩

明宜山鄧氏能詩嫁同邑吳某以罪被逮
赴省鄧寄以衣而侑以一絕云欲寄寒衣
上帝都連宵裁剪眼模糊可憐寬窄無人
試淚逐東風酒去途又題畫菊云良工妙
手恁安排筆底移來紙上裁葉綠花黃長
白媚等閒不許蝶蜂來

玄兔

治世正音載曾子棨應制玄兔詩云月
華星彩毓珍奇兩度西來貢玉池八竅盡
含蒼露濕一身渾是黑雲垂吐生定是從
玄圃渴飲多應向墨池頓首天堦欣快覩
宛同神禹賜圭時後見巢時集玄兔詩云
傳聞三穴久儲精日啖玄霜異質成八竅
總含蒼霧濕一身斜軼黑雲輕行來青瑣
應難覓立向瑤階却盡驚白是太平多瑞

物願隨毛穎咏千城前詩蓋應制之時倉卒而賦集中所載不惟點竄章句而原韵亦更前人云詩不厭改有是夫

海外全書

秦始皇二十八年東行郡縣命方士徐福入海求仙福將童男女各三千人盡移寶玩書冊至海島止王不歸始皇三十二年始下焚書之令則徐福所攜之書皆未焚

以前之全冊也五經應是孔子手定之書
史記應有子長未見之事得覩此等全冊
則漢儒諸家之爭晉魏諸人之譌可以証
之漢成帝隋煬帝唐太宗明高皇等重賞
購書何不搜求其地乎海島亦是人間非
如天上難至嘉靖間有人建言宜乘琉球
日本封王之便從東南諸外國求徐福所
攜書其言不行乃古今一大缺陷事也

張四狀元詩

輟耕錄載平江驛有弔四狀元詩曰四榜
狀元逢此日他年公論定難逃空令大守
提三尺不見元戎用六韜元舉何如兼善
死公平爭似子威高世間多少偷生者黃
甲由來出俊髦元舉王宗哲字至正戊子
科三元時爲湖廣憲僉兼善泰不花字時
爲台州路達魯花赤公平李齊字時爲高

郵府知府子威李補字時爲江州路總管
此四公者或大虧臣節或盡忠正事或遇
難而亡故云若論其優劣則江州第一台
州次之高郵又次之憲僉不足道也

胡王詠女史

明初海寧胡虛白奎號斗南能詩七修類
藁載其題楊妃教賜賜念心經云春寒卯
酒睡初醒笑倚東窗白玉屏早悟眼前空

是色不教鵲鵲念心經題綠珠墜樓云花
飛金谷彩雲空玉笛吹殘步障風在費明
珠三百斛荆釵那及嫁梁鴻後正統間錢
塘王蘭野致道亦以詩鳴於時嘗題楊妃
云禁苑養驕兒見驕母命危賈斜山路險
不似在宮時題綠珠云主難因妾起妾心
安肯違身爲金谷上魂作彩雲飛冲雅規
刺皆得風人餘意。虛白有雙孔笛詩云

混沌難分濁與清
繫開空翠太分明
有聲木自無聲出
二氣還從一氣生
碧海夜寒龍並語
瑤臺月白鳳諧鳴
依稀黃鶴樓中聽
吹落梅花雪滿城
詠萍云重重疊疊砌
魚鱗根帶渾無半寸深
偏爲太陽遮水面
不容明月印波心
千層浪打依然聚
幾度風吹不肯沉
多少錦鱗藏葉底
教人無計下釣尋
格律雖卑亦親切
有蘊

史公謹

太倉史公謹謹能詩工繪事贈吳羽士有
松下剪雲縫鶴氅花間滴露寫揚經之句
金陵瑣事載其詩甚多弱冠從軍滇陽洪
武末有薦其才授應天府推官未幾左遷
湘陰縣丞遂流寓金陵自號吳門野樵長
於寒林雪景自題其畫曰雨餘山色翠如
苔樹杪寒烟濕未開葦子無端掃紅葉隔

林知有故人來

品梅

楊用修王元美品題梅花詩皆取杜少陵
幸不折來傷歲暮若爲看去亂鄉愁李義
山王鱗寂寂飛斜月素手停停待夕陽此
論一出却令淡烟疎影之句頓爾減價金
陵黃吏部首卿甲有句云野客佩寒星欲
墮佳入釵暖日初融焦物候或有句云化

開幕雪人歸後香滿寒庭月上時一似義
山一似少陵

佛龕弊紙詩

金陵盛仲交時泰游新澤寺從佛龕中得
弊紙上書一律云研池滿座落花香墨透
纖毫染漢章靜卧衲衣雲似水高懸紙帳
月如霜杯浮野渡魚龍遠錫振空山虎豹
藏幸對爐烟坐終日煮茶清話得徜徉後

書友人褚傾呈雪庭法師座前清覽洪武
辛亥暮春書于清隱小軒金陵瑣亭云傾
字本中惜不知何許人

儲靜夫對

儲靜夫瑾弱冠遊庠不循矩度學官示以
句曰賭錢喫酒養婆娘三者備矣儲應聲
曰齊家治國平天下一以貫之學官謝之
成化癸卯舉解元甲辰會試亦第一

朝雲

東坡侍妾朝雲嘗令就秦少游乞詞少游
贈云靄靄迷春態英英媚曉光不應容易
下巫陽祇恐翰林前世是襄王暫爲清歌
駐還因暮雨忙瞥然歸去斷人腸空使蘭
臺公子賦高唐東坡見而賞之

題卧雪圖

金陵金元善

璫號松居精于醫藥及繪事

曾寫袁安卧雪圖兄元主琮題云一片堅貞天地知甘貧豈但雪中飢平生耻作干人態縱使晴天也不宜元玉亦善圖梅有逃禪老人筆其煮茶詩有細浪捲風生蟹眼怒濤翻月起龍腥之句

張仙

世所傳張仙像乃蜀王孟昶挾彈圖也昶美丰姿喜獵善彈乾德三年蜀亡花藥夫

人隨輦入宋後心嘗憶利因自畫飛像以
祀藝祖見而問之荅曰此我蜀中張仙神
也賢奕作濯祀之令人有子歷言其成仙
後之神異故宮中多奉以求子傳於民間
耶仁寶云張仙名遠霄五代時遊青城山
得道者蘇老泉曾夢之挾二彈以為誕子
之兆老泉奉之果得軾轍有贊見集中人
但知花藥假托不知真有張仙也

趙慕嚴臺

宋趙清獻公墓在衢州城東有題詩于地
之驛曰于夫荷擔出山阿膏血如何有許
多不若扁舟徑歸去休從清獻墓前過嚴
子陵釣臺在富陽江之涯有過臺而咏者
曰君爲利名隱我爲利名來羞見先生面
黃昏過釣臺乘扁舟而過清獻之墓知爲
利名而夜過釣臺二人尙德之心深矣

弔唐荆川

唐荆川

順之罷官後家居著書頗自特立

因趙甬江

文華

以逢合嚴介谿遂得復職

陞淮楊巡撫殊失初心鄉人以詩弔之曰
海門潮湧清淮水燕塞雲埋白羽旄子美
文章空寄世孔明事業等輕毛避人焚草
寧辭諫策馬先師不憚勞莫訝今朝歸未
得出山何似在山高又越中王龍溪送行

詩云與君廿載卧雲林忽報徵書思不禁
登閣固知非肯日出山終是負初心青春
照眼行應好黃鳥求朋意獨深默默囊琴
且歸去古來流水幾知音

神仙粥

神仙粥專治感冒風寒暑濕頭疼骨痛并
四時疫氣流行等症初得病兩三日服此
即鮮用糯米半合生薑五大片河水二碗

於沙鍋內煮一二滾次入帶鬚大蔥白五
七介煮至米熟再加米醋小半盞入內和
勻乘熱吃粥或只吃粥湯卽於無風處睡
以出汗爲度此以糯米補養爲君薑葱發
散爲臣一補一散而又以酸醋飲之甚有
妙理屢用屢驗非尋常發表之劑可比也

霍洞

昨非庵日纂霍洞嘗宿田舍見吏催科詩

云北風吹晴屋滿霜翁兒赤體悲無裳閨
中幼婦飢欲泣忍飢取豚燈下緝一身勿
暇私自憐鳴機軋軋明窓前織成五丈如
霜布翁作襦裙兒作褌明朝官吏催租急
依然赤體當風立又值歲飢洞見太守騎
從出潯作詩云朝來五馬去尋春誰信家
家甌有塵枕席道旁宜細問恐非芳草醉
眠人守聞其詩爲之罷潯

和尚對

永樂時尙書某題詩于寺一僧和之後尙
書至寺詰寃曰我不卽加汝罪但出一對
能對恕之云和尚和尚書詩因詩言寺僧
不能對候解縉入朝求救縉曰候我回朝
代對云上將上將軍位以位立人和尙回
對尙書已知其必解學士句也

張三影

吳興張先字子野天聖八年進士善詩詞
人謂之張三中蓋能道心中事眼中景意
中人也子野謂人曰我張三影也詩有浮
萍斷處見山影詞有簾幕捲花影墮絮輕
無影后山詩話載其事高齋詩話以子野
詩句有三影者最佳以後二影爲雲破月
來花弄影隔牆送過鞦韆影人目之爲張
三影○又石林詩話云子野能文章樂府

年八十五猶蓄聲妓東坡作詩曰錦里先生自笑狂莫欺九十髯眉蒼詩人老去鶯鶯在公子歸來燕燕忙柱下相君猶有齒江南刺史已無腸平生謬作安昌客略遣彭宣到後堂七修云全篇俱用張姓故事詩人謂張君瑞與崔鶯鶯事漢成帝嘗微行過陽阿主作樂見趙飛燕而悅之先是童謠曰燕燕尾涎涎張公子時相見蓋帝

微行嘗與張放俱而稱富平侯家故曰張
公子又曰燕燕張枯妾堯山堂云詩人謂
張藉公子謂張祐柱下謂張蒼安昌謂張
禹但江南刺史註係劉禹錫然全篇皆用
張姓事不應此句獨用劉事或坡公用隱
僻事未之詳考耳。同時又有張子野亦
名先博州人天聖三年進士歐陽文忠公
誌其墓

吳伯通

明西蜀吳伯通，淳爲浙省學道，政士專看工夫，時初學作文，多不根取者，甚少。乃羣往御史臺求試，御史復發吳，吳出題，龍鱗駭龍魚鼉生焉。論題乃一滾出來，文難措辭而論，又性理終場者少，大爲吳所辱。嘲之者曰：「三年王制選英才，督學無名告栢臺。誰知又落吳公網，魚鱉鼉龍滾出來。」

馬湘蘭

金陵名妓馬守真字湘蘭以豪俠得名能詩有酒是消愁物能消幾個時之句有坐監舉人請見拒之後中甲榜授留都禮部主事適有訟湘蘭者主事命拘之衆爲居間不聽既求見怒曰人言馬湘蘭徒虛名耳湘蘭應曰惟其有昔日之虛名所以有今日之實禍主事笑而釋之吳中王百穀

穉登

生日湘蘭造吳捧觴詩酒唱和窮山水之勝而返湘蘭死後哀挽成帙百穀有詩十二首走金陵奠之或謂張賓王榜曰聞君作湘蘭祭文甚佳張曰我乃訪赤壁賦作者其人使誦之張但舉一語云此固一世之雌也而今安在哉聞者絕倒

蜜翁翁

西堂記聞云昨夜陰山賊吼風懷中驚起

堅瓠集

卷四

七

丙

黑髯翁平明不待全師出連把金鞭打鐵
驄此詩頗爲邊人傳誦有張師雄者居洛
中好以甘言媚人洛人呼爲蜜翁翁會官
塞上一夕傳敵犯邊師雄倉惶震恐衣皮
裘兩重伏土窟中秦人呼土窟爲土空有
人改前詩以嘲之曰昨夜陰山賊吼風帳
中驚起蜜翁翁平明不待全師出連着皮
裘入土空

老儒被辱

戒庵漫筆東橋徐氏世敦禮讓後裔衰薄
有老儒邵夢巖能者亦被其陵厲邑人作
詩唁之曰漁梁溪上水東之魯道於今一
變齊押闔場中多智伯陽春調裏少鍾期
捐階不足徐行日仇餉渾非堅拜時八十
年來函丈老月明無可一枝棲

孫鳳洲詩

長沙有朝士某還鄉意氣盈滿賓至則鼓
吹喧闐有執友書孫鳳洲贈歐陽主齋詩
於扇以饒之詩云主齋還是舊主齋不帶
些兒官樣同若使他人居一作二品門前
簫鼓鬧如雷朝士見詩大慚卽輟鼓吹

打夾帳

凡交易事居間者索私贈爲之後手又名
打夾帳馬仲良之與督辦縣開出羨餘市

出以贍學宮其價稍厚又捐俸築靈岩山
採石一時居間者皆乘之要利或作語嘲
之曰子路與申枨同坐子路譏枨曰枨也
慾焉得剛枨遂曰由也不得其死然子路
大怒愬之夫子夫子曰罪在枨用牌書打
申枨字述子夏適子夏喪明認字不真驚
曰誰人打申枨

楊清劉河

成化中汝寧楊太守甚清附郭汝陽劉知縣甚貪太守夜半微行至一草舍有老嫗夜績呼其女曰寒甚命取瓶中酒酒將盡女曰此一杯是楊太守也復斟一杯曰此是劉大爺蓋酒初傾則清者在前後則濁矣聞者賦詩曰憑誰寄語臨民者莫作人問第二杯○談苑云有人問崇德縣民長官清否荅曰漿水色言不清不濁也

品咏蠶繭

郡有邀紫姑神者一士請咏蠶繭此卽書
云一窩春意自溫純巧奪天工物象靈拙
止絲綸三萬丈纏綿家國十千齡始終有
跡機雲錦端緒無窮補衮針保障繭絲君
自識天花亂墜陋迴文

卻金堂四箴

張侗初題云吾家卻金堂舊有四箴先太

史本其意而潤飾之箴曰士大夫當爲子
孫造福不當爲子孫求福謹家規崇儉朴
訓耕讀積陰功此造福也廣田宅結姻援
爭什一鬻功名此求福也造福者浩而長
求福者濃而短士大夫當爲此生惜名不
當爲此生市名敦詩書尚氣節慎取與謹
威儀此惜名也競標榜邀津貴驚矯激習
模稜此市名也惜名者靜而休市名者躁

而拙士大夫當爲一身用財不當爲一家
傷財濟宗黨廣東修救飢荒助義舉此用
財也靡宮苑教歌舞奢讌會聚寶玩此傷
財也用財者損而盈傷財者滿而調士大
夫當爲天下養身不當爲天下惜身省嗜
慾減思慮戒忿怒節飲食此養身也規利
害避勞怨營窟宅守妻子此惜身也養身
者簡而大惜身者羶而細

胡澹庵

宋胡澹庵銍貶海外十年北歸日飲于湘
潭胡氏園喜侍姬黎倩題詩一絕贈之云
君恩許歸此一醉傍有梨頰生微澗乃知
情慾移人賢者不免厥後朱文公見之題
絕句以自警云十年浮海一身輕歸對梨
澗一作梨姬却有情世上無如人慾險幾人到
此誤平生

尹鑿頭

尹鑿頭名從龍華州人藝有宋理宗時度
牒弘正間至金陵成同朱公供養之甚虔
能出陽神分身數處赴齋朱公問尹曰我
欲一見洞賓呂祖可乎尹曰可公于朔日
出水西門外劉公廟拈香當約洞賓來一
會及拈香歸寂無所見乃責尹以說謊尹
曰公會見路上一道人醉枕酒瓶而睡者

乎公曰有之尹曰道人枕瓶兩口相對分明呂字也公自不悟邪敢說謊復遣人四路覓之皆云纔去未遠耳一貴人聞女弱病形容俱變名醫莫効母愈憐愛之邀尹視之曰有癆重尙可醫貴人請用何藥曰藥力不能治只消與我同宿一夜便好也貴人大怒不許後見女殊無生理母又涕泣言之貴人許可尹令紙糊一室不得留

錢大一孔設一榻不用帳令女去其裯衣
用手摩足心極熱如火抵女陰戶東西而
睡戒女云喉中有虫出可急叫我女不能
合眼而尹鼻息如雷天將明女報虫從口
中飛出尹起四顧覓之不見曰從何處鑽
去定要害一人也蓋乳母不放心因開一
孔窺之癆虫已入其腹矣父母視之女顏
色已變尹笑而去後數月女方擇壻而乳

母已死矣又一經紀家娶婦後尹偶至見婦急走上前抱咬其頸方咬兩口被舅姑隔開尹且歎息曰可恨只咬斷兩股尙有一股未斷奈何皆不解爲何說後夫婦反目遂自縊三股繩僅有一股未斷遂死方服其先見云府廩見尹仙跡太露恐惑亂人心押使歸華州監押軍人云每押發皆有請餽安家今你料無銀錢妻子何以過

活計曰汝家所需不過柴米有何難辦平
與你兩符一貼灶上一貼米桶用時自足
也後果然及華州歸要用柴米俱不能得
矣鬚頭生華州鐵雀觀中騎鐵雀飛昇

蝦助詩

蝦助海錯也一名水母卽海蜇其形一片
如輪菌無目凡行蝦必附之故云蝦助元
薩天錫作詩云層浪濡床綴蝦行水母含

秋孕地靈海氣凍成紅玉脆天風寒結紫
雲腥霞衣腿色脂流滑瓊縷烹香酒力醒
疑是楚江萍實老誤隨潮汐落滄溟

河滿子

宋盛度以久任泣於上前遂叅知政事王
博文倣度泣亦自龍圖學士爲樞密蕭定
基爲殿中侍御亦泣上前士人匿名以河
滿子嘲之一日奏事上曰聞外有河滿子

定基曰知之時有謔曰殿院一聲河滿子
龍圖雙目淚君前聞者笑之

龜鱉

高文虎作西河放生池記有鳥獸魚鱉咸
若本夏事談引爲商太學諸生爲謔詞哂
其誤陳晦行草制以舜禹用昆命元龜
字倪侍郎駁之陳疏辨古今命相多用此
語陳遂擢臺端倪罷去時嘲云舍人舊錯

商周驚御史新爭舜禹龜時傳以爲笑

匍匐圖

福州陳烈動遵古禮蔡君謨告喪莆田烈
往弔之將至境語門人曰詩云凡民有喪
匍匐救之今將與二三子行此禮於是烏
巾襴褌偕二十諸生望門以手据地膝行
號慟而久婦人望之皆走君謨匿笑受弔
李泰伯覲畫匍匐圖爭相傳玩